

Sarajevo, 15.03.2019.godine

Klub zastupnika u Predstavničkom domu
Parlamenta Federacije BiH
Zastupnica Lana PrlićZA:
BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
PREDSTAVNIČKI DOM
n/r Predsjedavajućeg PD Parlamenta FBiH

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Prilježeno: 15-03-2019

Org. jed.	Broj	Priloge	Vrijednost
01-	02-	557/19	

U skladu sa članom **172. Poslovnika** o radu Predstavničkog doma Parlamenta Federacije Bosne i Hercegovine, u skraćenoj parlamentarnoj proceduri podnosim:


Prijedlog**Zakona o izmjenama i dopunama Obiteljskog zakona Federacije Bosne i Hercegovine**

Molim vas da tekst Prijedloga zakona uputite Vladi Federacije BiH radi dostavljanja mišljenja u poslovničkom roku od 30 dana.

U prilogu Vam dostavljam tekst Prijedlog zakona.

S poštovanjem,

Lana Prlić, zastupnica



BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
PREDSTAVNIČKI DOM
KLUB ZASTUPNIKA SDP BiH
ZASTUPNICA LANA PRLIĆ

(PRIJEDLOG)

ZAKON
O IZMJENAMA I DOPUNAMA OBITELJSKOG ZAKONA FEDERACIJE BOSNE I
HERCEGOVINE

Sarajevo, mart 2019.godine

ZAKON
O IZMJENAMA I DOPUNAMA OBITELJSKOG ZAKONA FEDERACIJE BOSNE I
HERCEGOVINE

Član 1.

U Obiteljskom zakonu Federacije Bosne i Hercegovine („Službene novine Federacije BiH“, broj: 35/05) mijenja se član 237. i sada glasi:

„Član 237.

- (1) Kad sud utvrdi da roditelji i druge osobe koje su obavezne davati izdržavanje nisu u mogućnosti ili ne izmiruju potrebe izdržavanja djeteta, obavijestit će o tome organ starateljstva koji je dužan osigurati sredstva za izdržavanje djeteta iz budžetskih sredstava Federacije.
- (2) Sredstva za izdržavanje djeteta iz stava 1. ovog člana će obezbijediti Federacije BiH u budžetu Federacije Bosne i Hercegovine.
- (3) Federalno ministarstvo rada i socijalne politike će u roku od 30 dana od usvajanja ovog zakona donijeti pravilnik kojim će se regulirati uslovi i načini isplate obaveze stava 1. ovog člana.
- (4) Federacija BiH će putem Porezne uprave pokrenuti postupak prinudne naplate roditelja ili druge osobe iz stava 1. člana 237. ovog Zakona koja ne izvršava i ne želi izvršavati svoju obavezu koju je sud utvrdio.

OBRAZLOŽENJE
ZAKONA O IZMJENAMA I DOPUNAMA OBITELJSKOG ZAKONA FEDERACIJE
BOSNE I HERCEGOVINE

I. USTAVNI OSNOV

Ustavni osnov za donošenje ovog zakona sadržan je u dijelu III Ustava Federacije član 2. točka e), koji kaže da je federalna vlast i kantoni nadležni za donošenje zakona i propisa iz oblasti socijalne politike.

Obiteljsko pravo, i Obiteljski zakon su nadležnosti Federacije Bosne i Hercegovine.

II. RAZLOZI ZA DONOŠENJE

S obzirom na porast razvoda u Federaciji Bosne i Hercegovine, kao i veliki procenat koji pokazuje da oni koji su obavezi ne plaćaju alimentaciju, smatramo da je potrebno sistemski pristupiti ovom problemu. Time bi zaštitili jednoroditeljske zajednice, samohrane roditelje, i djecu. Zbog problema sa naplatom alimentacije i nepoštivanja sudskih presuda, jednoroditeljske zajednice i samohrani roditelji su ti koji svakodnevno vode borbu za svoju djecu i time su jedna od najugroženijih socijalnih populacija u BiH. Zaštita roditeljstva i zaštita roditelja je obaveza institucija, te reguliranjem isplate alimentacija bi uvelike pomogli onima kojima je to i Zakon omogućio. Obiteljski zakon se zalaže da izdržavanje djeteta preuzme Federacija Bosne i Hercegovine, i time pruži djeci i njihovim starateljima zaštitu, te bitku sa onima koji izbjegavaju isplaćivanje alimentacije bi preuzele institucije. Uzor u izradi ovog zakonskog rješenja za Federaciju Bosnu i Hercegovinu je Republika Hrvatska koja je upravo na ovaj način riješila problem ne postojanja alimentacionog fonda, te ovakvih zakonskim rješenjem riješila problem neisplaćenih alimentacija. Na ovaj način su alimentacioni fond regulirale i zemlje Europske unije.

U već postojećem Obiteljskom zakonu ova obaveza je propisana za Federaciju Bosne i Hercegovine, „međutim ona se u praksi ne sprovodi zbog nepostojanja podzakonskih akata , te zbog činjenice da zakon nije decidno propisao način ostvarivanja tih prava.

Ovim zakonom se rješavaj taj problem i otklanjaju nejasnoće iz postojećeg zakona.

III. OBRAZLOŽENJE PRAVNIH RJEŠENJA

Odredbom člana 1. se definiira u kojim slučajevima nakon sudske odluke Federacija Bosne i Hercegovine je dužna osigurati sredstva za izdržavanje djeteta.

Stavom 2. obrazlaže na koji način će Federacija Bosne i Hercegovine obezbijediti sredstva potrebna za izdržavanje djeteta, te da će ona biti planirana u vudžetu Federacije BiH.

Stavom 3. se zadužuju nadležna ministarstva da u zadanom roku donesu pravilnik kojim će se regulirati uslovi i način isplate kako bi se detaljno propisale procedure za ostvarivanje ovog prava.

Stavom 4. se zadužuje Poreska uprava koja će pokrenuti postupak protiv osoba koje ne izvršavaju svoju obavezu izdržavanja djeteta, te od njih naplatiti ono što je Federacija BiH umjesto njih, a to se odnosi na sredstva za izdržavanje djeteta. Na ovaj način spriječavamo mogućnost namjernog neplaćanja alimentacije na štetu Federacije BiH, sve isplate koje isplati Federacija BiH će sa zakonskim kamatama naplatiti od lica koje je bilo dužno isplaćivati alimentaciju.

IV. FINACIJSKA SREDSTVA

Za provođenje ovog Zakona potrebna su dodatna finacijska sredstva iz budžeta Federacije Bosne i Hercegovine.

Točnu procjenu potrebnih sredstava iz budžeta Federacije BiH i pravilnik o isplati trebaju napraviti nadležna ministarstva; Ministarstvo financija FBiH i Federalno ministarstvo rada i socijalne politike, na osnovu evidencije roditelja koji ne izvršavaju svoju obavezu.

Ta finacijska sredstva bi bila vraćena Federaciji Bosne i Hercegovine putem Porezne uprave koja bi pokrenula postupak prinudne naplate uz pripadajuće zakonske kamate.

Finacijska sredstva su potrebna za isplaćivanje sudom propisanih alimentacija koje roditelj ne isplaćuje ili ne želi da isplaćuje za izdržavanje djeteta.

Važno je napomenuti da i postojećim Obiteljskim zakonom Fedracije BiH, Federacija je dužna obezbijediti ova sredstva, te zbog neosiguravanja ovih sredstava u Budžetu FBiH postoji opasnost od tužbi građana prema Federaciji BiH.